


**PL
2705
.I261
v.4**



ASIAN STUDIES
PROGRAMME
續錄自序

伏敵堂詩錄十五卷編至去年三月自三月以至歲除
又得詩九十五首今攜示雪樵雪樵歎曰哀至矣後數
百年當有讀此詩而弔君者其續刊以俟遂刊爲續錄
第一卷繼此有作當以次編至盡年而止也

同治二年癸亥正月長洲江湜書於福州

附錄

書江𨔵叔伏敵堂詩錄後

江南畸人浙江小官余兄事者長洲江𨔵叔𨔵叔來吾
浙歲在丁巳余知𨔵叔來以戊午溧陽師之稱屬吏才
者故知之辛酉余客温州瑞安過永嘉始見𨔵叔始讀
𨔵叔詩𨔵叔方居憂止詩旣旦夕見又聞所論說𨔵叔
之言曰辭章者人之元氣若狀貌情性聲息嗜好一人
具一象一象自具一體同非具具亦非異毋依埶毋假
借今文士必薄辭章詡問學必右宋左漢夫窮年累世

旁引曲證之事壽命長家富藏書多良師友商榷皆成
之不如言性取心得弟主程朱奴陸王竊機鋒而造門
戶爭者百出轉說轉遠心得曷恃終不如辭章四千三
百年中辭章有傳不傳獨立者貴天地極多人說總
盡獨立難索難求立能立見獨其成弗可及已余無以
折之私印歿叔之詩亦不負也余四歲授書於里塾師
得章句十三歲以前自讀宋五子書求性道十四歲棄
之爲辭章之學二十歲又棄之爲攷證之學學於溧陽
師師教學不薄辭章不右宋不左漢主於有用師以余

爲可用日令讀律例視簿書訪求遺聞故事攷載記按
圖籍識古法以準今時徵成敗利鈍之故觀斟酌變通
之幾凡七八年新無成舊則盡棄然生當多事奔走危
難出生入死厯奇窮孤憤積感大哀以百十計閱大忠
信僞言行任俠者坐死模棱者存身辟險怪誕之眞牢
籠操縱之法及夤緣逢迎無所不至之術以千萬計盛
德之士振奇之人口不欺心心不欺人是善是惡盡已
以止者歲或不一過暴貴驟貧迂儒市僧敗軍老吏顛
僧節丐庸妄男子月必數十遇其行事求經不得比史

不得尋之小說家且不得其言論非皇古非輓近儒無
是入之佛佛無是問之道道無是推而遠之至於域外
如夷說耶穌新舊詔希臘臘頂書仍無是四千三百年
中事日積日出不可思議其可心得余得傲弢叔者有
此余三十三歲前屢作屢棄積稿已數十冊留於家家
鄉陷賊妻女死徙今當無贖字一身自存飄泊海隅窮
餓待斃日力復不閒溝壑立轉心口手皆累溧陽師歿
王事死猶受劾遺集不知己刻否弢叔詩庚申杭州陷
棄賊中賊退述之朱先生買以歸辛酉將寄東陽聞變

而止其年八月平陽逆衆犯温州入郡城劫官署做衣
垢履盡取去詩無恙十月初弢叔赴福州十二月余亦
航海至過弢叔詩刻已半矣余謂弢叔文字之旤盜賊
忘者水火收者盜賊過水火有卽不磨滅處在焉今年
三月弢叔刻詩成爲之喜爲弢叔喜有且爲余喜無迺
書兩人平昔言卷後告異日讀弢叔詩者說宗旨無阿
私同治壬戌四月會稽弟趙之謙

弢叔詩刻成題卷後卽贈

符兆綸

忍住飢寒尙賦詩天涯相見此何時豈惟吳越憂方大

卷一百一十五
遂恐東南勢不支萬種愁深聊自寫千秋事重與誰期
眼看如此平生了尊酒逢場且莫辭

伏敵堂詩續錄卷一

壬戌



長洲江 湜弢赤甫

螺洲泛舟之作

漠漠平疇麥浪吹數村依港結茅茨偶看此處猶安土
爲憶吾鄉未亂時水市萬家雄下邑稻田千里飽京師
卽論尺寸偏隅地猶爲官家一弔之

晤汪蕙舫

世芬

意外重相遇茫然別六春如談風世事原是再生人夜
雨鳴何急家山夢只頻與君他日計瀕洞正風塵

寒食日作

燕語他鄉社麋遊故國臺烽煙遮眼處邱壟上心來半
世愁爲客佳辰強舉杯無家今日我天與盡悲哀

又慟一首

廬墓徵前史崩防泣聖人如何奉遺體不去葬雙親生
者還塗炭魂兮久衣薪他鄉看草色又慟一年春

讀雪樵丈見贈之作答賦二首

心爲百憂宅衝口出危詞我所欲言者君還先得之變
風變雅作避地避人時征權無遺利憑誰獨采詩

七情都半滅卻贖萬分哀應其身同盡時因靜輒來杯
能邀眼淚爐與表心灰更被君詩觸抽思撥不開

燈前一首

燈前偶覩書黑花生眼初茫茫急起掩卷坐忽如有見
燈之旁憶我幼學日家住甫里塘父時作客去母來在
書堂家貧未免惜膏火夜夜分我書燈光携來熨斗翦
刀尺雜以針黹爲一筐縫裁新衣先衣我將舊待弟明
年長冬寒暑短勞夜作弟咷妹泣愁殺孀十年諸弟有
殤者復看弱弟初扶牀自後燈前始無我我屢客遊羈

遠方家中燈火卻入夢猶待寄衣添客裝每歸見母日
老瘦不復深夜能縫裳凡此燈火三十年萬種情事難
思量獨記一日侍母疾一生辛苦見告詳謂我落筆能
盡意命代作詩抒中腸此詩今時合當作其奈心痛手
亦僵念我束髮卽耽讀二十卓犖能文章學乖志僻坐
蹭蹬末路作吏還招殃何嘗五斗逮甘旨宦途俄變新
戰場牽挈兵禍陷鄉國洗恨直欲翻東洋卽今萬卷空
在腹欠一孝字心悲傷古人此痛亦多有獨丁亂世何
不祥對燈此夕默垂淚記昔勤苦母共嘗燈光之佛倘

憐我爲收魂魄先還鄉

索書

索書未是知書者強試爲渠數十行見役此心方作惡
既書得意又全忘秀難掩弱憐元宰熟始呈能陋子昂
此手何當殺賊用漫同古墨鬪豪茫

得仲水滬上來書

仲水患難交久隔兵火外賊陷浙東時不死果安在及
聞上海船所往正茫昧夢亦無處尋如不共宇內今晨
乾誰噪得書又可怪書從滬上封輾轉幸能逮輟餐急

發之一讀乃長喟書言避難事負母凌澎湃母年逾六旬抱孫僅周晬後言到滬日厯險心力憊憂火爍肺陰血盡歐難再春風不入藥恐與生有礙一身何足云老幼後誰賴我讀是語已淚下心欲碎反覆看來書筆跡乃人代想見伏枕時淒涼念親愛親愛遠難期朋友我爲最欲致遙託詞揣量又無奈嗟我閱世途涼薄唾交態豈肯身效之負情若避債願插雙翅飛及與君一會夜靜且揲著筮得天地泰卦氣值正月君病必無害再拜作易人無貽我心悔

深夜

思鄉深夜正愁生六扇西窓忽半明獨有天衢無梗塞
又看一月在空行

喜聞樹人先生由海道卽至

保疆深待濟時才聞地今朝氣象回能息風波宦海上
又將書卷壓裝來三年一別無窮事於越勾吳不盡哀
憐我無親焉用祿偷生方覓望鄉臺

對雨

憂時方悶殺對雨可憐生浙瀝侵階點蒼涼蹈海情人

誰能撥亂鳩自要呼晴赫日臨江表元戎好進兵

同韻答叔安丈見賞近詩之作

樹暗書窓鳥弄音慨然海角又春深鮮民只覺無生意
和尚原曾號死心更寫哀情真鬼唱愧承來句比龍吟
先生何日健腰腳見愛惟期一見尋

禪宗有死心和尚

衰象

身爲不死拔心草書對先生老眼花衰象驟來還可喜
正愁亂後富年華

三言一首爲蕙舫題像

繫何人貌恂恂豐者頰清者神微有鬚於風塵我識之
爲汪君產大邦吳都人我吳都五湖濱水涵秀鍾人文
漢唐來日有聞大都會百物臻書成囿文通津翰墨多
如米薪耳目學不待勤有負販玉雪身入他邦猶指紳
況君家遺清芬旣數傳而君承君學書歐陽詢一鉤畫
如錘銀遂橐筆遊峨岷浣花溪拜少陵入蜀後句亦新
囊中詩不療貧偶買官來八閩閩非蜀俗不醇君雖官
氣不伸漳之州潮州隣人文荒窮海濱颶母風瘴花春
苦卑濕冬生蚊巡檢司與民親聽蠻語紛搖屑半人獸

猥爲羣破廨夕蟲撲燈誰與語惟顰呻爲君思愁是真
盍不去歸吳門望吳門涕泗頻我同鄉忍再云

答趙益甫

之謙

嗟我念兩弟烽火見面難昨得書一紙讀之淚洑瀾我
方愧爲兄君願爲我弟何德以兄君并以傷我意昨歲
越州亂君亦無室家無家兩相似得非兄弟耶同君生
東南相對窮海曲且算天壤間有兩江弢叔

喜晤陳琴齋丈

昔在杭城同陷賊別來踪跡兩茫然不圖九死流離後

尙有三生會合緣夢裏家園各榛莽眼中賓館換山川
翦燈一夜滄桑話血淚遙同夜雨懸

院署雨夜

海天屢陰暄旣雨遂不晴沉沉東閣夜聽盡簷滴聲中
宵卻枕坐獨攬憂思盈餘生託知己異地重合并三年
別來事萬感傷人情復冀一席安實須四境平忽聞羽
書來賊薄東甌城此邦犬牙地溪山路交縈要險凡幾
處勢難赤手爭安得萬人將突從平地生蒼天亦雨粟
裹糧利師征我無救時策出奇贊籌兵徒茲風雨夜坐

數嚴城更一隅偷息處天道方難明

園草

夏園叢惡草雨後長於人不惟礙行步並敷蛇與蚊去
之命兩傭治地東西分一以腰鎌來芟薶疾若神一傭
徒手作拔葉兼拔根薶者日一畝眼底俄然新拔者半
畝止爲效難償勤勿嗤拔者拙雖拙志不紛一草用一
力正如農夫耘彼薶者根在如今之用軍驅賊不盡剿
滋蔓旋害隣君看薶後草卽日回陽春

四絕句

乾象茫茫杳莫求東南殺運幾時休世間合有白頭賊
辦賊人今盡白頭

某水某邱爲異域一夔一卣亦無家憑誰更賦江南事
哀比蘭成十倍加

冲聖初元方勵治腐儒末路更偷生人傳有詔搜遺逸
天且生才翊盛明

親在嘗爲折腰吏飢寒此去定能勝愧無絲粟充軍餉
敢向官家覓斗升

重食荔支作三詩示八弟

八弟先有句云地下老親難喚起天涯佳果寄

誰嘗

昔食荔支日思家愁旅人今日食荔支家破餘客身不
復有鄉土竄茲窮海濱又看荔支紅愧我身尙存泣然
對之泣泣罷口自云故鄉尙能歸逝將移爾根根栽入
九地去報泉下親爲我變甘實一味生酸辛

荔支百十枚想見同樹生感我憶諸弟亂後長飄零正
如樹上果並蒂初結成一朝離本枝不得重合并八弟
獨隨我旅食同此城乍驚異鄉味吟作腸斷聲斷腸豈
獨爾看我血淚傾願爲荔支木極茂恒無情

嗟我惟一女丙年生此州生時荔支熟紅綴隣牆頭抱
看採摘盡歸泛秋江舟此女夙所愛計生歲七周荔支
我再啖不知汝在不亂世恩義薄妻妾死卽休弱女旣
非男譬委渠與溝并作荔支歎仰望天悠悠

病鷺

颶風卷海來聲振一城瓦庭樹鷺懸巢殞枝墮階下兩
翅方離披鳴哀聲欲啞客有握粟至相憐玩而把侵尋
引入籠貪餌亦聊且終然被囚縲咫尺隔鷗社吁嗟羽
毛潔曾不如烏雅烏雅日近人人無籠畜者豢養信爲

不吾知言終金卷一
恩而何不寬假況我覆巢餘同類得全寡殘生望江湖
庶遂性疏野孰爲察禽言千古惟公治

海天一首

海天暑氣錯亂催昨晴而雨今晴雷芭蕉一風葉卽破
菡萏六月花初開故鄉夢裏失門巷獨客杖底空池臺
將身何日是歸日時倚石欄吟百哀

月

骨肉無重造形骸只子遺全家一破後缺月幾圓時猶
對清光立何堪靜夜思方諸若同照客淚合先滋

題寓齋壁

齋舍爲前院瑞公新築
時瑞公已回籍北上矣

前官築此室耽靜娛流年室成奉
召去留下花木妍
後官起居處近取聽政便虛此屋五楹在院之東偏于
以假我館蕉窓舒簡編自我入居此瞥眼時序遷池中
看種藕已實秋風蓮避暑暑已闌亦時南窓眠忽思昔
居者受代北赴燕罷官雖可悲到家樂自全即使憶此
居一笑何悶焉而我無家歸寓此惟憂煎人生重骨肉
此外一付天貧窮與富貴同滅如雲煙舉頭仰華屋休
爲築者憐百年總傳舍能醉差爲賢

福州府席上

自訝烽煙隙處身
論文樽酒此何因
便須爛醉華筵上
不念江南人食人

雪樵丈見示近詩奉柬二首

燈前千古意搔首爲斯文
天豈獨窮我人嘗欲殺君有
詩堪送日何事不浮雲
想見清吟夜秋聲空外聞
秋能聲衆寂我輩亦吟詩
天籟還人籟君知與我知
平生今已矣後世孰傳之
相顧顛毛白烽煙徧地時

九重一首

九重側席詔求賢直爲時艱豈偶然但使在廷收國士
未須普海廣生員人才與道爲消長政府何年一事權
忽爲古人悲不遇中興五論至今傳

送八弟之福安

昨夢一齒脫占爲骨肉離骨肉僅汝在不離心已悲正
念汝兩兄會面當何時汝又別我去行路爲嗟咨尙幸
道里近書問無參差主人富文學正可爲師資讀書慎
取友時念親之慈此行奉遺體修飭良自茲哀哀桓山
鳥分飛遶樹枝覆巢抱餘痛鳴苦誰當知念自家難後

竄身同險巖三年形影共此別能毋思

奉題樹人先生告天圖

事事可告人溫公之學醕乎醕事事可告天清獻之學
幾大賢我讀名臣言行錄賢者有懷常不足總是畏天
一片心出身力造生民福侍公數年窺公深藹然仁者
公之心一仁所發備衆德如一木之化鄧林公之仁心
天可告天乃默眷予美報風濤戎馬十餘年身勞心安
是其效壽而燾後彌康強澤及萬物非一方一方無福
公適去東南自此無蘇杭我無早見心愚蒙不負父母

先隨公蓼莪已廢念罔極空以殘喘重相從赤子無告
公所憫況我哀痛日夕纏心胷

感動二首

時友人俞夢池聞母殉節之訃

友人望鄉哭失母慘呼天不忍見聞事偏來耳目前兵
戈催死別溝壑枉生全蒼昊無情甚傷心自昔年
是我終身痛今朝卻唁人不辰同慘酷何日靖風塵故
里夢復夢捷書真未真深悲吳下土獨葬太平民

殘月

月澹不明夜輪虧卽滅光亦如經難者精氣半消亡露

下濕霑竹蟲寒吟入房連宵端可怪無夢到蘇杭

錢塘戴文節公及其弟鄂士先生煦所畫團扇爲

魏稼孫錫曾題二首

杭破名賢盡如公第一流平生精六法得死更千秋遺
墨餘英氣知交愴舊遊傷心團扇上一角自滄洲

有弟亦殉節同將畫筆傳流風懷二老劫火閱三年氣
與乾坤壯圖成山水妍憑君護雙壁留鎮米家船

觀舊畫山水雜幅

何人名筆摹董巨一片江南寫出曾樵徑漁磯藏曲折

晴嵐寒翠變春冬，尙餘畫裏谿山景。
不着人間盜賊蹤，紙上如何卜居得。
漫思買犢作村農。

昨夜

馬知警報劍知讐，未信餘生抱恨休。
昨夜夢中呼殺賊，隔牆驚起老蒼頭。

去歲一首又一首寄懷子餘

明秋復何處，昨歲在溫州。
寇警一朝去，去年光若水流。
烽煙餘隙地，滄海失前遊。
最憶江心寺，凌風倚孟樓。

力守永嘉縣，陳侯績用成。
謀身無短策，與郡作長城。
名

或青雲上愁應白髮生秋風若憑得爲報正含情

訓吳儀吉

鴻謨

見贈之作

君盛賞拙詩有虹光未許蒿萊埋呵護知有鬼

神使天其以是歸淫哇賊火不敢圭瓚燬之語故賦此爲訓

通都大邑官不守名山亦爲賊所有此時著書無處藏

傳諸其人尤渺茫眼見讀書真種子去作國殤陣前死

庚申之變湜妻兄陳梁叔於金陵張總統大營殉難馬遠林先生於丹陽同熊鎮軍陣亡其有竄身

身僅存跼足烽火投無門此後人文益衰息各各挽弓

字不識馬遷復生作史記亦恐塵埋棄於地況我區區

一帙詩誰爲傳寫誰諷之卽今雕上梨與棗不識皮藏

何處好藏書最富吾蘇州板本插架如山邱賊摧燒之
不少惜漢藝文與隋經籍古書已厯七劫來又看半作
江南灰我詩獨有鬼神護君出此言得毋誤鬼神自護
人不傳作者於此終無權說着文章吾欲哭俯仰乾坤
哭不足嘔心半世長忍饑且饑且老逢亂離得一知己
死不恨身後茫茫何足論

九日

菊花爲我不成妍獨立疏林夕照邊老矣一身無故里
淒然九日又今年登高便有偏安地與賊如何共戴天

欲助西風爲肅殺橫戈直到葑音富門前

東儀吉二首

斯文如女色有愛卽情深正願識君面先蒙知我心交
期恒覺晚憂患各相尋此日天催合流離辱賞音

君亦應頭白頻年屬亂離鄉關同悵望意氣獨瑰奇異
地山川在吾儕詩酒宜海天握手日不與釣龍期

錄去年大龍湫題壁

嶂連雲兮山四圍仰飛瀑兮從天來傾萬斛之珠璣爲
我心兮寫哀噫風塵湏洞兮故里爲灰非龍湫之宴坐

將餘生兮焉歸

題戴文節公山水小景八首

長橋東去盡菱蘆亂水爭流共入湖似昔賊邊尋渡處
煙波百里一船無

寺前老木掛寒藤寺後蒼山疊幾層拋卻家鄉還有累
不知誰得去爲僧

蘇隄今有幾人家昨夢西湖總可嗟留得風光惟畫本
紙邊紅是出牆花

復看積雪在林端此日江南十倍寒不可干人況干賊

竹雪堂詩集卷一
直愁人盡作袁安

縹茅僻處傍疏林爲想幽人避世心
兵氣漲來飛不得作書并與告寒禽

疊嶂前頭石氣青萬松積翠擁危亭
亂來人不貪多壽誰向深根問茯苓

露無聲處暗香飄寂寞憑誰韻短簫
照盡人間離別事月於秋夜自無聊

數筆寫成三折瀑硬皴石法更離奇
凜然紙上動英氣想在危城嚼齒時

有客

有客臨行投一紙索我畫山兼畫水我無畫興惟有慵
乃以紙障窓間風明朝客待紙不還未免臨發嗔生顏
且嗔且行卻見畫君自身遊山水間

三韻三首

魯儒抱周書沛吏讀秦律周秦不同風漢祖用其一我
欲問蒙恬果爲誰造筆

管仲能富國劉晏能餉軍苟非二子才誠不如盜臣我
欲赦陽貨竊玉非病民

海外有十洲一洲凡幾島後世舟航通瀛寰作孔道我
欲笑張騫漢時見聞少

讀雪樵丈近詩

淚是詩人血傾來又化詩因君重有歎與我正同時身
際兵戈老家因夢寐疑商量消遣法無酒對空卮

閩中十月朔日奉到新厓感賦一詩

來年十二月無閏故里三千路不通欲寄官頒新厓日
長遵漢臘舊家風潛踪骨肉人空在避地光陰歲又窮
予影蕭然南海嶠不知此恨有誰同

奉呈桂丹盟先生

超萬二首

耆碩中朝少公何在
海濱艱難看近事
懷抱有長春正氣
扶其筆疲氓待此
人中興爭報主珍重
老臣身追論吾吳俗
浮華足召災公爲郡
守日曾挽古風回鄉
梓已墟矣滄桑太劇
哉遺黎蒙獎借轉益
寸心哀

和作

敢說泥塗老鷹揚
學渭濱來譽出花
管枯榦忽回春同
病憐逋客扶輪屬
雅人苦吟毋損瘦
珍重望雲身憶守
吳閭日賢紳共救
災冰心寒月照塵
竈煖風回

戊申辦下河流民賑務諸紳皆潔已
愛人已未避難重來則所聞異甚
碩果無存者蘇

臺安在哉三山西向望夜雨萬猿哀

見客

浙西官裏見此見忽心驚也作無衣客曾勞束帶迎陸
沉一都會潦倒幾公卿更想折腰處如今草棘生

東雪樵丈

傭書不投筆無夢到封侯豈不識時務何當忘怨尤
蟬欣晴院午菊耐閨年秋好就符夫子平生一醉休

晤周葵庵

丙曾

賦贈

故人有在故鄉者入夢吾知其死也君遊劫外宮此鄉
雖在卻愁臂難把豈知轉徙我來斯千里危身未成捨
有身復得對君談亂後之緣天所假何須更述心慘事

只說前遊淚如瀉憶昔與君兩少年同出京師集厯下

主人按部共追從

謂殷述齋先生

交酒休閒每在夏大明湖涵

誰山色中一涼亭結茶社蕩湖入亭蹋岸歸手挽荷花
弄姬妣我時逋蕩尤不羈愛宿歌樓厭空厦郭五娘家
酒如蜜君獨逃筵罰以筇是時南北恣壯遊豈有兵塵
怕霑惹不圖一十九年來經亂同儕存者寡君亦懷舊

似前生但記枯楊同繫馬適聞嶺表使臣歿

時聞述齋先生歿於

廣東學使任所

共哭交情弔風雅可憐同是姑蘇人或卜城居

或村野自從淪陷幾摧燒知是誰家存片瓦君雖一官
坐蹭蹬喜侍偏親日祝嘏我無親舍望江南以愧延生
只強且不忘舊遊況故鄉嗚呼此痛終難寫

望六弟滬上書不至

滄波連滬濱有弟客蹤孤去信知曾到來書怪久無愁
隨身似影歸借夢爲途又見清宵月寒光警夜鳥

錄近詩因書四絕句

平生參遍名家作，似爲今時寫此哀。
寫出渾疑哀已盡，明朝又上筆端來。

尙愛吟詩縱不情，休將無益笑先生。
又編同治元年稿，千載下人聞哭聲。

自寫親身新亂離，杜陵應怪不相師。
數篇脫手憑人看，如此遭逢如此詩。

符老忽甘王後目，又勞吳子百回吟。
謂儀吉易堆金壁摩霄漢，難得文人服美心。

對衰柳作

亂後我頭白霜中柳葉黃柳衰復春氣我老只殊方使
我化爲柳恐天長雨霜呼僮問酒價一醉與相忘

送顧庸尙 其仁 由海道北上

奇氣胷中苦鬱盤舊勞汗馬此彈冠君知臨賊衝鋒易
難莫難於奉上官

何須校計人間事天借長風與送行一笑贈君三月別
歸時只說海波平

寄懷彭表丈

大天七十有一歲報國何拘致仕年身以罷權全晚

節心緣憂世久華顛能扶正氣終酬主未靖南疆且
避賢羈跡正思重獲侍將臣何日掃烽煙

冬夜三首

冬齋伏案偶凝思適憶童年勵學時貧覺燈邊書有味
寒生夜半足先知是時老母坐相課端爲縫衣睡更遲
已矣餘生無報答又將嗚咽寫爲詩

我翁客授不家食歲晚歸來課藝勤未必譽兒真有癖
嘗因對客命爲文科名原不關吾道箸述何當慰府君
此日燈前惟有泣傳家一集并遭焚

先君補松文鈔及
堤伏敵堂文錄並

雜著十餘冊悉於
甫里及杭城被燬

負手蒼茫繞室行也知兩大最無情百千萬變青燈在
四十五年白髮生怨有呵天若雲氣淚如到海作潮聲
福安書至傷心極尙望江南一日平

時八弟
在福安

冬日紀意三首

有序

記少時寒晨出戶見隣之丐者以單衣禦風雪出一
衣授之辭不受曰不如日給數錢之惠也余詰其亦
知寒否丐乃告曰我旣丐矣今日得君衣明日能保
之乎且丐如秋蟲以冬爲厄若堅忍一冬不死以馴

至三冬將膚腠凝固雖大風寒不襲壽命與不爲丐
者等我是以願忍之也余庚年被難後曾受故人綈
袍之惠旋遇賊又棄之以受而復棄遂不再受今三
年矣庶幾膚腠凝固如丐者之言可待正命作三詩
以酬造物

心知隱痛不知寒不比前時做冷官
爲語朔風由汝吼吾今只作等閒看

前在杭州有獨立
西風做冷官之句

出險身邊淨一毫危途復與綠林遭自從憶得乞人語
雪後無心待贈袍

綈袍自是故人情不受將教行李輕會得天心仁我處
無袍未必便無生

八弟夢亡妹作詩見寄後三日亦夢見之泣而繼

作三首

若歸甫里死應甘得哭嚴家水一潭

先母嚴孺人卽於甫里嚴氏園池殉

節妹亦從殉

可歎孀惟憐着我誰知女實孝於男機邊受教

從容甚泉下隨行侍奉諳爲報阿兄猶視息人間哀慘
正難堪

憶昔歸家看汝笄出門時小尙提攜漸能學母穿鍼繡

並解求兄染翰題亂日曹娥誰廟者客中楚些渺魂兮
也應今夕來吾夢引見慈顏境不迷

果然昨夢見相尋疑是爲神得遠臨月在故鄉寒汝骨
魂來異域鑒余心不知環珮歸何處欲問庭幃醒至今
天地無窮吾卽老知將幽恨譜瑤琴

以近詩呈雪樵丈承見示以爲三峽猿聲聽之頭
白以小詩奉答

巴東三峽萬山內夜有猿聲似我詩君不並聽遙揣合
一般哀到斷腸時

戲作我昔一首

我昔愛文章志欲鉤其元上思摩九霄下思穿九淵一
夕聽寒漏兀坐如高禪髮內顱骨上有宮曰泥丸心精
此飛出直奔奎宿垣遂竊帝機杼簸弄造化權天孫怪
奪巧跣足明河邊迴顧七襄上雲錦慚不鮮我時攬天
章散髮追羣仙俯視世上人糟魄空鑽研有文燄無寸
鬱鬱起溼煙其有小明者螢火青燐然自我證此夢文
思如涌泉翁問倩人乎面試於賓筵汪洋遂無涯積歲
成十編豈意竊案發帝怒無遷延立勅熒惑星追取歸

諸天熒惑擲下火使賊噓之燃遂爲蘇杭災一灰百萬
椽維時我文字心血半未乾血漬火不爇撥灰詩還傳
追搜亦不得已人人脾肝帝乃益恚怒促召司命前檢
我命籍看將相功名全萬羊與賦祿十爐爲鑄錢前因
不媚竈削九存一焉其一如終存庸福猶無愆奈何鬼
判官希旨候帝顏奮筆作勾勢若刪文一篇我今命籍
上存者惟餘年

後哀六首

十二月初四日二弟六弟領眷口由滬航海到閩作

此六詩以前有志哀九首題爲後哀云

吾生惟有哀而已雙雉無端來送喜心知骨肉賊中來
所痛九原獨不起死者不可生生者幸無死不死者來
復相見以此思哀哀至矣古者大夫有出奔哭於家廟
告祖禰我家匿在草莽久只作逃亡村戶比三年得出
固自難何日能歸豈可儼從今盡室望江南 皇朝輿
地我鄉里直愁長作異方人去鄉將以我爲始邱墓他
年孰料理語誰莫送喜吾生惟有哀而已

黃浦口夷船開五虎門夷船來夷船載人若載貨得錢

乃許登南臺一船之費百金罄陸居無屋眞難哉此時
相持不暇哭且先引入城南隈北風淒厲西日頽八口
委巷同徘徊叩門告主人願賃一廛棲吾儕且免露莽
宿朽壤不計椽與棖主人授屋去聽我啼飢孩海船掀
簸苦嘔逆渠自虛腹非其乖賊中來時棄卻釜借釜煮
糜隣人猜嗟此一家之流民非我自恤誰相哀

簞門棲未定新月已斜入照我與兩弟相持作悲泣是
時肩不知所倚足不知所立口不知所咲手不知所執
惟有一心獨知痛聽說家中難初及便將放聲哭所恐

驚四隣喉中氣不絕終覺聲難吞地上去天八萬里安
得如雲六翮生吾身飛而上哭俾天聞卽挽天河注爲
淚滴地爛盡寒草根使我行處長無春

弟兄對泣處感動來阿福渠實不知悲而猶淚簌簌問
知江鄉賊過後十村乃存數家屋焦椽煨棟火之餘猶
易得薪難得穀村人田荒猶獲稗應比我家後枵腹向
來戚懿凡幾人不是出亡卽鬼錄此際汝曹生命促吾
弟手援一絲續危乎復得有今朝如夢如醒一反覆可
惜閩中天亦自不雨粟且誑阿福俾勿哭將有野蠶成

爾作汝服

皇天有冬令朔風鳴蕭蕭吹動大瀛海送我骨肉凌洪
濤海艘旣到風不息卻使我聽寒者號飢寒汝有命豈
比兵火猶能逃晨來具清酌便擷溪上毛無家之人設
家祭告我兄弟無恙重相遭尋常讀禮經不知喪亂之
禮何科條如今先靈在故里而我反在他鄉招他鄉招
魂卽有說安能縮地祭墓酒一澆風爲我悲止復作當
門枯樹還刁刁

此邦可以無寓公吳下不可無遺黎天如着意獨留我

九死曾不填溝溪男兒讀書欲濟世將使四海安耕犁
志迂身老邁家難晚與妻妾重提攜悲來望吳會浩浩
風塵迷東南此日適生我豈直使之吟亂離夜半不能
寐喔喔聞荒雞昨夢上書自薦達九關虎豹將人擠悲
不泄心日結願將身骨化寒鐵直至天荒地老時此心
此鐵乃俱滅

伏敵堂詩續錄卷二

癸亥

長洲江 湜弢未甫

寄表丈彭文敬公靈右詩五首

前月於邸報中知公薨逝後數日乃

接公去秋
病中手書

窮通同此時皆非樂久生公爲謀國病我作蹈海行無
期復相見知與死別并昨果得公訃又得來書驚書由
病中寫千古留深情

捧公八行書墮我兩行淚公書溼在紙我淚溼在地在
紙寄來乾在地不可寄淚乎入黃泉達我哭公意地下

庸鬼多此哭鬼所忌

寄淚知不達思公惟夢親自經喪亂後方作不寐人朝
來畫公像雖喜鬚眉真故鄉久無社像於何處陳緘畫
恐飛去復作龍與麟

龍麟爲時瑞維公生亦晚逮參政事日兵戈已在眼憂
國劇退朝記看輟午飯故園有書堂疊石如雲巘一自
雜風塵主人遂不返

薦士不徹天時也我有命終感廿年知心親非貌敬燕
聞五千里道遠賊又盛欲會正人葬惡由海之徑

時各路均

有梗阻惟海
道入京爲便
寄詩侑清酌
苦語神其聽

子長由海道見過因悼元潔

三吳亂後鄉書絕處處江湖宿寇兵縱使聞君幸無死
敢期相見在今生海船偶與逋亡便旅館初將感歎并
正憶胥門楊獨石元潔又號獨石交期恐已隔幽明

子長多述滬上新聞感歎而作

茫然比例千年史駭絕奇觀萬變圖天似小兒方好弄
地原大物儘容汗中華自古混儒釋上聖卽今疑有無
人壽焉能愁許事吾衰拚與酒爲徒

立夏日作示子長

故鄉此日初嘗麥並熟櫻桃好薦新豈但清明堪下淚
卽如立夏足傷神天涯春盡還羈旅海上君來話苦辛
應慮令威歸去日并非城郭況人民

題子長畫四首

此石昔嘗見乃在天台山惜我袖子窄未得携之還
雨霽山欲青無奈雲不了一氣白茫茫高樓出雲表
畫水向壁間潏潏欲崩屋古有蒲永昇千年此其續
子長好奇人畫境軼象外請看拳曲枝將作木之怪

同郡友人寫笠澤漁隱圖以寄鄉思爲題長句

與君家並笠澤居不能歸作笠澤漁方今大盜據澤國
兇網直以人爲魚三年啖食死者半江村漁市同彫疏
煙波之中船亦無水天慘澹雲模糊不堪想見況堪畫
畫是追寫未亂初念昔東吳全盛日官家稅田不稅湖
水鄉何地非膏壤村店隨處開酒壚漁家春秋自賽社
瓦盆狼籍歌烏烏但爲漁者亦至樂況真高隱爲吾徒
惜君此志恐難遂聊託筆墨遙爲圖圖成使我弔鄉里
茫茫浩劫重驚呼同生一邑不相保妄欲救世何其愚

矧以孽重遘家難餘生飲泣終天孤君爲漁隱自可老
我不殺賊乃非夫

初夏偶作

憂與日相循殊方又送春一風了花事百慮瘦詩人望
治先愁老謀身漫恤貧鬢絲買何物偏有色如銀

擬寒山詩二十首

江南有富翁認錢作主人將身爲之奴服役不憚勤一
朝陵谷變錢爲盜所有奴乎失其主身如病狂走

張三作竊去忽建六纛回李四擁八騶新自爲賊來天

地樂包容誰論才不才有口欲談之不如銜酒杯

書生苦好書終日仰屋梁飢來不知憂謂有禹餘糧禹
糧是虛名誑此文字腸腸空衆穢盡軋軋方成章

我生無一椽亦無錢賃屋然計四十年無一夕露宿始
悟人有身不須居是卜壁上黏蝸牛彼方累於殼

古墓犁爲田培田築爲屋墓中人有知爭地且與獄所
幸今古隔各不知誰孰天與平其爭日月如轉轂

妻不共甘苦在家如作賓小女性差慧食貧知習勤勿
以女爲喜而對妻作嗔相與有瓜葛均是夙世因

隔於一夕睡昨日如前生明日亦如此今日空含情由
來造化鑪不鑄長生形君看白日落君聽黃雞鳴

牛哀化爲虎一人已不祥今看百萬衆同日變虎狼虎
狼再爲人知復在何日合掌讚荀卿性惡是鐵筆

僕持客刺入主人怒其僕何不爲我辭勞我具冠服出
乃握客手若恨來不數相對笑嘻嘻誰知真面目

東家一兒生西家一翁死同時聽歌哭去來分彼此勿
爲翁去悲勿爲兒生喜出入造化中當有先後耳

鐵船泛天河萬萬無此理耶穌欲行教豈但鐵船比世

變浩無涯誰能究終始西北有高樓今在東南起

良玉產于閩華耀美人首美人作黃土忽已百年久玉
有再出時人誰骨不朽當勸好色人生前但飲酒

英雄遇惡少胯下有匍匐惡少買得官我與爲僚屬雖
無胯下形豈免七尺辱南山有樵夫長歌狎麋鹿

盜來入富家未免兇殺人富家子如盜相害還相親凡
物當去時必以人爲因所以漢魏朝認賊爲良臣

欲撈水中月因鑄黃金盆人情愛浮華物力何足論可
憐錦繡里俄成草棘村誤他春燕歸難覓前年門

向民括兵餉如向羊徵裘裘乃羊之皮剝割羣羊愁不知餓虎來羊亦不自謀貲財賊掠盡颯颯空村秋

眼見一種人親身被盜來卻學盜之道獵取人間財太行與孟門在霄高崔嵬人心亂後險天運何時回

佛見路旁金呼爲大毒蛇貧兒不之信囊取歸其家被人指爲盜誣治楚毒加始悟佛言是蛇者非金耶

狐千年爲人人千年爲仙人狐共學道難易懸殊焉然人嗜欲紛而狐志專壹有狐變人時無人作仙日

楚王請熊蹯不知祿已盡祿有未盡者翳桑遇趙盾祿

籍誰所司不令人先知先知斯息營如在懷葛時

禮堂見示苦雨及雨中見懷之作各和一首

一蛙禱雨天復雨萬族祈晴天不晴疑蛙獨自識天意
愧我只解憂民生水田此日未插稻軍士幾度愁移營
何況江南方擊賊恐添濕氣咽鎗聲

泥生一里兩里路窺戶礙與君往還何日坐看談處暑
昨宵晴見夢中山詩來卽挾猛雨勢筆到已奪唐人關
將詩箋天若有用我輩窮達如等閒

同子長食荔支作

我生縱貧賤食籍天定之黃蘗三百甕外有鮮荔支自
注荔支在食籍鬼神催作閩中客幾回飽啖啖不盡三
次重來頭且白疑君食籍亦有此緣此來閩亦鬼使故
當未食荔支日雖陷賊中曾不死與君日啖三百枚仍
留棄核聚爲堆計核可以銷食籍故鄉庶幾能歸哉荔
支兮荔支來歲如今歸未歸

趙桓

中丞在通州辦團練時
之勇日也今在轅下

春秋長狄久絕種趙桓忽生通州鄉量以工部營造尺
乃有八尺九寸強折牀毀椅坐臥窘戴頭起立愁觸梁

僂而出門走入市肩齊於檐頤過牆背後羣兒戲相逐
誤入胯下如門廂來經漚上衆夷駭願得貢之英國王
可憐輿馬不能載時自濶步衢路旁卻防泥印大人跡
致令方士欺漢皇或更指作帝之武小儒箋釋彌荒唐
又愁他日秋井塌專車一骨考莫詳我疑此或生空桑
應無匹偶愁空房臨洮大人巨無霸以今準古其相當
記讀前史五行志是名人疴爲不祥雖然今世用人法
以貌魁岸爲才長其長在身人所識必有遭遇殊尋常
卽無戰功獵大貴保汝支食三人糧

贈小妻

眼前孀累復相隨
日日羹湯又汝爲
傳得先親斷葱法
不知夫壻食時悲

戲東葵庵

君負官之債
我爲詩所囚
破籠囚始脫
焚券債方休
未
有脫休望
真成日夜愁
寄詩君一晒
抵得債還否

與琴齋丈談次有作卽贈

便叨富貴博誰歡
只要還鄉把釣竿
豈有臯魚方泣血
卻同貢禹慶彈冠
多情老友深相念
隨遇餘生總可安

應是先生能信我向來本不畏饑寒

偶書

豈徒富貴有窮期便此奇窮能幾時想到百年同盡日
又勞手錄一編詩

幕府一首柬雪樵丈

幕府深沈絕往還孤吟聊得遣吾閒詩原不出性情外
窮亦無逃天地間杜老新愁悲劍閣李生舊隱負匡山
君家疏竹娟娟靜爲動涼颺待欸關

奉呈丹盟先生靈右詩三首

喬松稟貞姿愈寒斯愈蒼君子體陽德愈老亦愈剛公
年正八十起用於邊方適爲提刑官忍見頽吏綱日午
握使符日夕飛彈章轉眼 天語下捕惡如捕狼囊頭
一姦將俄伏政事堂剛腸信疾惡於漢如膺滂想見奮
筆時發怒髯輒張惜哉獄未具積病公適亡然公實不
亡遺語猶琅琅姦將爾莫喜公作閻羅王

憶昔客歸吳人城城市肅酒樓息夜燈士人恥治服金
閭挾邪地寂然閱絲竹是時公治蘇攢眉對浮俗非俗
能自移太守下以樸因讀太守文藹然想醇學迨茲十

八年幸遇窮海曲名都旣邱墟南疆總傾覆忘年公許
我話舊同一哭善人維國寶循吏爲民福中丞薦起公
喜公步履速何終不憊遺蠹傷非我獨

公家貴池縣而我家長洲同爲江南地兵火經幾秋公
旣來至閩又爲閩地憂耆年再從政晚節滋益修淒涼
蓋棺日憲使爲黔婁我有哭公淚不爲恒情流斯世新
進多吏道恐益媮國脈視民氣腴削非良籌安得公數
十分布天下周救弊以養民庶使戈甲休浮雲何茫茫
逝水迅不留九京若可作聽我商聲謳

枕上

少年夜甘睡當曉曾不聞雞鳴自經喪亂來雞欲鳴時
兀自醒雞鳴先拍翅唱起第一聲隣雞首應之遞應聲
滿城家雞隣雞鳴續續遠雞更覺聲淒清雞聲遠近輒
到耳枕上豈免思平生平生不可思但有難爲情欲卷
大海水入此雙眼爲淚傾雞乎急催白日出正苦秋夜
天難明

聞官軍進攻蘇州

此時投筆起欲去助揮戈殺賊爲京觀平吳奏凱歌無

驚我邱壠重履漢山河只作農夫歿餘生幸已多

送友人之官

一千三百縣積成天下形每縣得好官天下長治平何
緣有盜賊盜賊非天生天生不爲盜爲盜誰激成治之
又無策豢鯢爲長鯨我悲東南旤何日銷甲兵殺賊豈
曰少於賊無虧盈如草在廣原芟東而西萌所當急本
計先固蚩蚩氓使民不爲盜盜乃不日羸殺一卽少一
庶幾風塵清閩維窮僻地兵隙愁輸征一邑治無小政
美流令名海濱萬村落俗異人同情漁父在葭葦所樂

鷗不驚毋貪上上考而與窮民爭

八弟自福安至始與二弟六弟相見同集燈下寫
此示之

弟兄亂後聚而喜喜卽是悲悲不已淚眼看燈暈正紅
照我四人如夢裏昔年離散亦如夢誰料天涯生再共
四人此時猶一人并得四心成一痛浚弟早衰浩弟羸
侵尋羸者又將衰獨汝行年未三十待得時平能有爲
江南諸將方攻賊戰伐秋來斷消息不知何日克蘇州
收筒空城計也得朔風蕭蕭夜氣涼旅魂最苦關山長

餘生無復四方志但取生時還故鄉

抱關二首

正此民凋物敝時得從閒處撚吟髭
吾儕自古荷寬政
權盡新茶不稅詩

忽束囊書去抱關先生耐事匹
如閒不知晚過船多少
隱几津亭夢鼓山

重奠丹盟先生感賦二詩

先生歿後今閩浙總督左公奏請宣付史館

飭下各省查取歷官政績列入循良傳喜先生八十而遇知己死不恨也

豈惟死作神死日遇方新有壽待知已
維天報善人剡

章馳過驛旅櫬去無津寂寞還榮耀真堪勸蓋臣
天下需才甚恒愁昧所求向來稱伯樂謂不失驂駟此
事激昂我平生涕泗流九京賢者恨公獨一時休

豫讓

錄錄居門下何關存與亡從來國士氣短向范中行

江瑤柱

平生鄉味食不足遶海半周尋食祿海物有萬入饌多
凡下羹材孰疏錄江瑤自是蚌之屬不肯懷珠卻懷玉
昨宵幻作披甲人入我夢中泣剖璞筮以周易得鼎卦

利用烹鮮餽不覆小妻解事先淪湯投玉湯中仍化肉
一嘗已卷舌入喉再啖恐吞舌入腹螻蛄蛄臙更鹹
未堪與渠作奴僕將攀荔子比風味方冬惟葉猗猗綠
卻念生平旅食長熊魚今既兼所欲故鄉重入版圖時
時蘇州甫合動迴腸歌且哭飲食之人殆是余忘卻遄
經克復歸復邦族

喜雪樵丈病愈并讀其病中之作賦贈二首

官罷能增壽斯知造物心欲君詩更好伴我客孤吟窮
海歲華晚閒階日色陰蕭然此相對身世感同深

得句病良已非醫我數來昨吟猶伏枕今起且銜杯酒
卽不死藥詩原無盡才待看腰腳健扶醉過南臺

寄雪亭二首

亂後聞君在扁舟避地勞一貧應徹骨羣盜尙如毛况
我更多難在鄉同所遭夢中詩酒地草已比人高
知交如木葉飄墮向兵塵不識江湖上生存更幾人夢
驚吳苑火淚灑海天春歸恐頭全白空珍劫後身

送子長歸里

送君歸蘇州淚落送行處非爲君去悲自悲不能去

甲子

甲子上元

簫鼓遊人溢九衢先生冷閉似僧廬自經喪亂無佳興
復對繁華感客居燈是江鄉烽火色酒非澤國稻梁餘
閩中近歲難得紹酒紹酒以吾蘇米釀故云
翻愁太乙來相照如此情懷罷讀書

夢後四首

故鄉疑在枕函中支着頭時夢輒通醒後雙親天樣遠
一燈隔淚自搖風

仁壽堂言錄金卷二
照我還鄉照我回分明燈亦助人哀直須身盡哀同盡
始是遊仙好夢來

欲喚同牀說與聽夢中早歲苦飄零不知三十年前事
只有先親是共經

復夢嚴家舊草堂江村風月劇淒涼此身未作他鄉土
總擬歸尋瓦礫場

將赴温州汪季銘

寶箴

有詩惜別留贈二首

更爲何人屈含悽又就官長趨塵土下不見水雲寬各
路猶軍壘何鄉無釣竿需才愁我及并不任征鞍

不獲已而去多君惜別深贈言資閱歷憂世入沉吟燈
暗雨窓夜詩傳志士心古人應諒我無地覓山林

題彥冲遺畫

入地真堪避寇氛免從亂後悵離羣圖中老幹知何樹
夢到先生數尺墳

諸君集北嶺見送賦詩留別又一首寄雪樵丈

嶺雲隨去遠回首福州城三次此流寓幾人來送行雨
霑山路滑詩壓客裝輕卻送諸君返前途總旅情

扶病罷追送吾尤難別君聚時憐往日望裏正孤雲卓

舉談詩會離奇罵鬼文斯人疑不老只作暫離羣

白鶴嶺驛館曾隨彭文敬公阻雨留宿重過題二

絕句

十六年前踏此山已迷屐齒石苔閒舊時阻雨留題處
驛館無人門晝關

不獨 中朝失老臣一時賓從賸吾身會將感歎呵巖
壁白鶴飛來笑煞人

甯德道中乘潮夜渡贈同行查客槎

世溥

夜山如夢不能青殘月偏來入水明誰與一潮爲密約

忽鳴雙櫓若空行餘生合以勞相餞荒戍何嘗聽得更
差慰先生牢落處同舟有客句先成

明日將抵霞浦同前韻一首

潮落人還上岸行晨天微似夜天明海雲照眼作霞色
山轎鳴肩如櫓聲猶活此身供就道的知何地可躬耕
路旁漁戶差安樂一帶蚶田種得成

湖坪嶺遇雨

昨宵臥聽雨滂沱晨在湖坪嶺上過試看空濛一雲海
近迷犖确幾山坡此身如入米家畫無福能披耕者簑

入店烘衣看老嫗渠無春夢也成婆

大王嶺

茲嶺不險絕連岡人可行偏居大王號若與亂山爭竊
據盜猶在兵戈削未平山靈非跋扈容我與更名

山家二首

山家不蓄汲器請看屋後飛泉留得入厨一勺下山去
溉民田

山家對門青嶂躑躅開徧如霞欲向老猿借臂去采倒
壁懸花

野寺

人煙存礪西野寺獨巖棲拾級客初上對門山漸低蝸
涎僧壁畫蜂穴佛身泥全盛乾隆日人名碑側題

錢倉

江流帶石壁其地名錢倉四山土戴石石色黝以蒼居
民築焦土稍葢茅柴房昨嘗產賊酋亦旣自滅亡其宅
餘斷垣惡草生有芒間賊糾衆時假名爲團防金錢暗
爲會嘯兇而脅恠去縣市里近官自知之詳一心欲誘
過掩飾俾勿彰幸得受代去局外身徜徉焉知一潰裂

殺氣生巖疆血流半州地大耗軍中糧逮乎得戡定百
里田爲荒當賊入郡城殺掠何披猖我時急避地取道
青田旁錢倉入閩路正窟豺與狼及今返自閩過此爲
悲傷漠漠水田外前村餘夕陽登高眺平遠風壤如吾
鄉山川並非惡奚自生強梁殘黎況良善不解何災殃
爲治亦有術牧民如牧羊敗羣不早去問罪誰當償作
詩告爲令共戒前平陽

道中絕句共錄十三首

雨收雲自豁然開潑翠巖巒人眼來可惜遠峰無限樹

被余看作畫中苔

一藤鉤絡一坡石石盡跨溪尋古松還自松梢垂入地
疑他蟄處已成龍

暗泉穴向石中傾世有何聲若此清不甚似琴應似筑
他時聞筑說泉聲

甌底旗槍穀雨前乍晴正是焙茶天也知新葉官增稅
只在山家不計錢

東處生松西處竹似將各據一山頭不知竹暗行根去
生過東山正未休

嶺路如弓彎復彎一彎轉過一重山如何天路猶山路
鳥在空飛也自環

望裏今朝見浙山巖坳壘石舊時關昔年土寇搜村處
燒賸茅房有半間

幾雙輕燕學飛忙戲水還同影頡頏忽遇船來驚遠去
扣舷我亦愛溪光

雨後巖光濕更新嫩泥銜殿客來經山低不隔溪聲斷
響到前頭五里亭

客行日日四山中又被東山引向東獨賞一峰如豎指

見山多乃厭雷同

百里巖巒一望收前山巘處下驚流斷橋正有橫槎接
過得行人不過牛

喜見青郊十里隄田田吹蛤種秧齊水平岸亦無高勢
不礙橋如板橈低

每到渡頭潮亦到僕夫喜我得乘流誤人總是他鄉水
不送歸舟送去舟

重至永嘉贈子餘二首

又客永嘉縣卸裝官燭前談深堪竟夕別苦況多年公

事君能了餘生我漫延古人謝康樂應待繼詩篇

骨肉良難棄回頭望福州家原無歲計君善爲人謀戰

伐初傳捷

時新復杭嘉二郡

瘡痍不自廖浙西他日好遲我買

扁舟

翁洋

時奉檄攝長林場鹽課司

眼底山川盡地形莫從荒僻問郵亭潮田相間平沙白

海氣全迷遠島青曾有古人監酒稅

蘇子由嘗謫官監筠州酒稅

何

妨吾道課鹽丁只輸黿戶安居好夢返江鄉泊雁汀

塢山寺

予影棲於寺閒官本似僧但攜書百卷莫辨酒三升午
後潮痕退晴餘鱗氣蒸茫然向海若何處去催徵場地有淪
入海者
故云

得二弟八弟閩中書知六弟於前月由海道返里

卜葬 先親志感四首卽寄弟輩

今日聞吾弟於閩上海航滄瀛知穩渡邱壟恐全荒負
土汝心苦出山吾愧長兼營廬墓地早晚亦還鄉

汝去添吾夢將心逐汝身並非求地吉所痛弗躬親修
墓聖猶憾奔喪禮未遵百年長恨事天壤愧爲人

大事誠營辦尤當訪六親期功餘近屬兵火孰全身鬪
鴨池邊友眠牛涇上隣皆指浦里並應問存歿消息報來真
汝去吾來浙餘猶滯福州弟兄仍散處漂泊有同憂不
共家鄉去還求富貴不一腔蕭颯意何待對深秋

雨中答客槎

查君雨中書語簡不盈幅但云溫溪水漂失木商木想
見三日霖暴漲溢百谷水由枯州下盛勢奪平陸木漂
從入海所恐壞人屋屋壞人流離豈惟木商哭我栖窮
海濱颶風近相撲前夕挾雨來大點如雨雹僧廬篩樣

漏若以身就濯牀既無處移戴笠坐而宿斯時見蝸牛
羨其身有殼平明水升堂適可濯我足脫屣亦漂流泛
若舟相觸平生嘗百難但窮卽爲福反任憂斯民空懷
可慚慙一笑又成詩還寄查君讀

有懷雁宕舊遊三首

臥聽簷下瀑想到大龍湫得此一宵雨知添萬丈流壯
聲應入夢遙憶亦銷愁莫負山人約茅庵爲我留

有曾山人

者居翦刀峰下許爲我留一結
庵之地蓋卽龍湫院廢址也

更憶靈峰洞天光一線明泉如流石髓壁解應人聲靈

金言集卷二
氣此焉窟塵心何自生山僧懸榻待爲報及秋清

曾與洞僧

照炬約再遊

默數前遊跡靈巖實大觀奇峰爭位置邃谷儘盤桓天巧誰司匠人來願挂冠名山期再入莫只按圖看

宥蜘蛛

蜘蛛布網行團團如磨牛網成坐虛空靜待飛蟲投一黏輒奔攫更出絲相兜旣使不得脫臨腦將皮留昨晨白蝴蝶庭際逍遙遊忽遭黏兩翅不復夢莊周夏月羽蟲多蓊蓊成衆囚蜻蜓供犬嚼白鳥真其羞看彼殘賊

性若與羣生讐言斬孤竹竿七尺爲竿頭巡簷挾其網
庶解羣飛愁豈知簷瓦隙尙有餘絲抽明晨復來看依
舊張罝罟因悲天生人有智能出謀兵荒更網利機械
何時休擲竿宥蜘蛛浩蕩生民憂

海風

海風吹得頭都痛不見鹽船報稅來僻壤更無籌餉法
卑官空有作詩才半畝佛屋支吟枕漸熟農家乞爨材
此況應爲我友笑故鄉何事不歸哉

有自杭城來者道經浙東各郡縣述所聞見無涕

可揮采其語爲絕句十首

武林二月新收復掩骼曾勞役萬夫卻問舊時叢葬地
半爲溝壘半爲塗

城中河涸欲揚塵城外江流失故津

錢塘江對岸新漲水沙三四里并前

有七里沙矣

只有西湖水還在無情涵碧待來人

浙西掃地地如冰絕處回春尙未能獨仰越中通百貨

頻添商賈鬧西興

水驛桐廬今寂然嚴陵祠亦撤修椽空灘夜哭聞嫠婦
不見當年姊妹船

原田前歲流入血壯草叢高二丈餘蠅大如蟬蚊似蜚
盡徵日見語非虛

賊退人稀煙火絕空山虎出瞰城中縣官賞格村村貼

望有殘黎殺大蟲

浙東稱虎曰大蟲時諸暨東陽均有虎處州府城有虎二

燕巢於樹略知春投宿無從問水濱裹飯疾行義烏縣
百三十里始逢人

多逢人骨少逢人千里行來慘是真猶記龍游泊船處
髑髏傍漿齧沙痕

辟瘟無咒遙聞梟誰挽天河一洗之三箇人行兩人倒

去年殘暑涉秋時

浙東西已瘡痍徧想到吾蘇又可憐只賸菜園半間屋
劫灰遙接建炎年朱胡舜申己酉避亂錄敘建炎之旤
有云入平江城市並無一屋存者惟
菜園中間有一屋亦只半間許耳

食新米作三首

昔我初來時門外看插秧流光一彈指早穀俄登場連
旬暑雨後彌望穠極黃臥聽村碓聲知己春作糧隣翁
有好懷贈我新米嘗辨是占城種尙帶風露香蒸成雪
色白未忍沃以湯停餐忽三歎懷我江南鄉

我鄉帶江湖厥土推上腴杭稻浩如海白糧供天儲憶
我幼學日曾卜江村居耳目習農務力亦勝荷鋤稻之
屬二十到眼能別殊並講區種法畝獲十斛餘曾從潘
功甫先
牛講明區田種法見於
荇門外試之畝收十石笑指農丈人此星應屬余奈何
入中歲衣食親舟車

嗟我無田耕不怨天怨地吳地億萬畝一畝不我畀致
令就微名抑塞風塵際喪亂復相仍筋骸行且懈豈有
親逮養而未決歸計昨夢泛吳淞水村風景異賊退民
田存有稻尚可藝食新懷故鄉迸落餘生淚

有鳩巢於檐隙

鳩性何嘗拙詩人定誤看自能作巢住取意借檐端喚

雨當頭近隨時拂羽乾有人方美汝呼得婦同歡時客

留闕

中

白鶴寺

在樂清縣西郭外

斷崖飛下瀑聲滿寺門前古佛不解聽晴巒空復妍風

高蟬絕唱影薄樹衰年秋氣來何日相逢此磴邊

將重入雁宕過大芙蓉村作

此心空與龍湫約何日能營宴坐亭海上棲身愁客抱

雲中招手有山靈醉拖方竹杖而去拄過大蓉村乃醒
百二奇峰原舊識一時飛到面前青

大龍湫

天下名瀑凡幾處皆從高壁傾驚波自來文人巧言語
比以曳練翻銀河獨此龍湫不緣壁挂空千丈風蕩摩
風吹水散作碎點驚飄亂颭無奈何乃憑風力作飛勢
夭矯翔舞於巖阿雖然極變化總是一氣呵人愁霑灑
莫偏視各述所見殊偏頗謂如白雲只形似謂如翻雪
猶無佗謂如倒下積灰者比喻鄙俚吾所訶須知懸水

得風無定相比以神龍掉尾差無譌更受日光發奇采
倏現五色理則那我昔嘗以午晷至赤日正射山嵯峨
此時看此瀑如傾八萬四千佛舍利雜以牟尼之珠萬
串多琉璃瓔珞亦糝入爭飛競瀉交相磋寶光暈眼叫
奇絕自謂平生勝賞無蹉跎惜哉此境晚乃闢謝公屐
齒曾未過廬山之瀑遇李白後又繼以蘇東坡此獨不
逢名手筆世無人誦龍湫歌名山急切待名作我亦才
盡空吟哦獨思將身作尊者宴坐學彼諾詎羅但聽瀑
泉不琢句淨洗塵世諸愁魔山人許我結庵處爲問曾

石牽雲蘿

靈巖

瓊宮玉闕天所有帝勅九關虎豹守天惟積氣基不牢
一朝倒下虎驚走自天至地八萬里遙遙委積成山阜
六丁下取重莫勝帝默無言但頰首有一仙人來此遊
摩挲積石嗟歎久謂此宮闕縱殘齧斷垣壞礎皆瓊玖
盡將仆者扶使立本自立者十八九從天下落必倒植
驗以石勢誰曰否天宮傾時物亦墜鼎鐘旂鼓及甕缶
仙亦拾來位置之不使奇珍散郊藪此事聞諸操蛇神

我信神言實不苟不見帝前紫玉屏至今猶挿雲溪口
世人那識山由來亂指羣峰呼某某天上無人解作詩
何得卻有聽詩叟

靈巖壁上有一石名聽詩叟

猶有一峰號天柱今

爲地柱亦不朽嗚呼地有雁宕山瓊宮玉闕天無有

過淨名寺循鐵城障而行深入二里靜憇有作

誰造淨名寺嵌入絕壁內對門又絕壁鐘聲不出外寺
旁一徑通徑裏雙壁對壁上一綫天天小谷反大內多
珠簾泉滙流不成瀨陰草作寒青可給仙者佩遊山必
擇幽幽以此爲最我欲窮其深並出石壁背足怠選石

坐坐處尤可愛數聲山樂官不是人間籟

山樂官鳥名其鳴如作樂

惟雁山有之

靈峰洞

靈峰秀出衆峰上遙望知非他峰儔怪其兩壁合如掌

中闢廣洞深亦侔洞口初容一人入仰攀石棧如登樓

攝衣直上五百級氣喘乃得平臺休枵然可容千佛坐

石室不假人工修洞門若懸冰一片天光逗入明其幽

此中小語輒環響聲欲外越壁四周不敢撞鐘恐裂石

試擊清磬聲聲留久之音寂耳不寂又聞壁罅泉鳴秋

僧供淡飯讓禪楊喜我今日來重遊倒身魄動若愁壓
更偈石氣寒颼颼壁間亦容僕夫臥鼾聲應響如鳴牛
仰睇洞外黑無月不寐坐待朝雲浮朝雲入洞我出洞
去惜奇境勞回頭卻思造物本無物此以何物相雕鏤
神斤鬼斧斲奇巧何又棄擲空山陬安得夜半有力者
負去插入長江流洪濤舂撞屹不動出入惟駕一葉舟
坐使金焦失名勝鷺峰虎阜皆含羞然後着我老其內
俯笑人世真蜉蝣

獨行至真濟寺

不定遊何處空山愛獨行看峰兼向背沿路半陰晴忽
值一僧語並知孤寺名石樓吾住得真與世忘情

寺旁有石

樓門

石梁洞

天台有石梁境奇入我夢茲雖不得遊而遇石梁洞梁
懸洞之門洞形若側甕亦有僧居之留客設蔬供時維
日卓午晴曦穿石縫梁影低壓人未礙洞容衆因洞有
屋形此梁是梁棟不比天台梁跨礪作橋用洞外山漸
疏出見天宇空前去大荆營老僧道旁送

洞前有老僧
巖自此至大

荆營

十里

雁宕歸後作詩寄符雪樵丈並柬儀吉

有人重赴瓊林宴而我重爲雁宕遊可笑菀枯同一世
未知名姓孰千秋題詩便欲寄知己束帶不能迎督郵
他日憑君遙見賀買山買得大龍湫

得閩中書聞琴齋丈下世寄二詩以送歸櫬

憂君疾亟勞吾夢忽有書來報已亡交到老成偏易死
同經離亂未還鄉十年幕府虛前席一意名山避剡章
君在杭州歷佐大府幕而不樂仕進以教職監紫陽書
院者十餘年歷掌文瀾閣書籍讀閣中書幾徧

晚客閨中應有憾
荔支三熟病難嘗

三年同幕見交期
記在春時愴語離
憐我風塵隨燕雀
望君談笑卻能熙
膏盲疾自烽煙偈
哀樂傷非草木醫
千里知難送歸櫬
銜悲遙祝海船旗

仁孝堂詩集

卷二

五

伏敬堂詩續錄卷三

甲子

長洲江湜攷未甫

悲歌

時大軍克復江甯僞忠王李逆就擒李逆蓋前陷蘇州者

賊未殺我我有餘生我不殺賊餘生無名聞賊曾之受
縛將獻俘於帝京切小臣之家讎願一嚮以爲羹惟
天閭之難達望先隴兮淚傾補天兮天缺填海兮海盈
盡吾年以永痛兮志手梟此賊而無成

靈峯洞僧

照炬

見過於其歸送以詩

願爲雁宕僧此意山靈知重遊又旋歸愧我照炬師師

本一武弁戎馬多年馳因事經雁山一笑遂披緇自言
入中年閱世益險巇眼見幾豪傑黑頭成枯骨何嘗就
功勳卓犖書常旂吾因照我影亦非麟閣姿卽使冒而
得人壽誰期頤靈峯高插天下有巖洞奇雖奇人莫爭
老我無不宜何須更成佛已勝羣兒癡師言若警我自
歎作計遲我亦南北人亂後生白髭無親可追養萬鐘
輕一絲何不愛餘生塵鞅羈在斯疏鐙照秋夜月白風
颼颼畱師一席話累我澈夜思明晨送師歸握手訂後
期好爲問山靈許我當何時

秋夜

颯颯涼飈吹滿林海天殘月正斜臨鄰童讀得學而熟
鄉夢醒來夜已深獨坐默思家世事最疑爲善聖賢心
此范孟博語意東吳此日遺黎集腸斷天涯滯客吟

昏昏海氣中一首招黃生

夢香

昏昏海氣中略辨村前村秋風動禾黍野散雞鳧豚畸
零數家聚不通城市言豈知中有士悅學牢閉門築樓
小三間積書恣幡帑釋書倚樓望所見惟田園昨來詩
一篇詞筆何瀾翻正如盈尺璧價高不待論磋磨以朋

友卽可獻至尊維天生美玉豈獨於崑崙通都填俗儒
議論浮無根我見亦多矣似非心所存所以期之子更
來窮詞源兼豁此羈抱一洗鹽場喧時當重九後草衰
日尙暄棹舟肯枉顧申發到未昏我有龍湫茶一啜清
心魂惜此海之堧讎氣使水渾已汲遠山泉足以代酒
樽但勿懷刺來寒寓無司闥

又贈陳生

詰

我以學致窮今老更無奈尙教人讀書大似不相愛然
遇一士佳不禁勸之再譬如嗜酒人見人飲亦快翁洋

有陳生近在一里內十步有芳草是芳即可佩今溷魚
鹽鄉已似雜蕭艾勉彼益讀書乃以家貧對我意大不
然笑其所見隘貧乃士之福飢寒資磨淬古來英傑人
激發凡幾輩富兒握牙籌多藏作災怪金氣錮終身不
貧反是害生時聞我言意氣一慷慨歸去仰屋梁屋若
爲之大從此金石聲淵淵出牆外

舟中望孤嶼作

又看孤嶼在中流雙塔凌波勢欲浮天與甌江自千古
我思謝客不同遊潮平別浦帆初落野闊孤飛鳥亦愁

驀地鄉心來一片明朝題上孟公樓

訪蔡子鰲

保東

讀書處

過溪小徑有躋攀誰築精廬亂石間試問山名君未答
爲君題作讀書山

十月十四夜聞潮聲甚壯

月上潮亦上大聲來海東直疑翻溟渤並恐溼鴻濛獨
客正無寐開門微有風桑田變殊速明日問鄰翁

眷口自福州至溫今日挈來翁洋時二弟已航海

回里以二詩寫懷

挈眷今朝信使回
寓廬門對北風開
別無家具隨身到
何異流民就食來
卽日米薪愁瑣屑
在途烽火幾驚猜
時危正要憂天下
數口飄零未足哀

亂來何地可爲家
不及門前一樹鴉
鴉有定栖同日夕
人今驚散各天涯
滄波路遠牽魂夢
薄宦心違足怨嗟
念汝歸尋舊閭里
江城十月雪如花

黃華關

早潮午未落
來到黃花關
海道入溫州
茲爲咽喉間
前明備倭處
築寨壓孱顏
下臨洪濤寬
前對三盤山
近防

接磐石遠勢控玉環相承置舟師巡哨資防閑一從弛
海禁久致戍卒孱墩臺亦頽沒但見漁舟還近日煙島
中沙戶藏凶頑時飛八槳船出爲商人患古來釀海寇
前鑒猶斑斑誰能勇搜剿先戢洋內奸仍畱沿海利活
彼惇與鰥我因弔古戍步盡岐頭灣斜陽照人影讀碑
披深菅尋求籌海事乃愧沙鷗閒

夢歸

不知此去返江鄉千里須經幾戰場野是荒田稍村落
市猶焦土未垣牆叩門訪舊應迷路出郭閒行有廢梁

幸是夢歸非實歷真歸爭免斷人腸

雜書絕句六首

早歲耽吟興不孤惟愁門外吏催租只今身作催租吏
敗盡人詩我亦無

計米籌薪數到茶開門一日不容差鹽官自食官鹽了
他物還愁何處賒

恆苦坐衙無應者心知吏卒盡歸農官今也好歸農去
山隔家鄉一萬重

忽到耆民與鞠躬民窮易感見醇風便修破署堪懸榜

猶擬將他付太空

時竈戶有感惠欲來懸榜者殆堪發笑

縱無下考挂彈章歲暮窮愁不可量更恐干他竈神怒
在官猶欠我黃羊

庭樹將枯着火燒呼僮挽水急來澆護全不但憐修幹
未去須他伴寂寥

除夕作示八弟

破家忽五年萬事不可話今夕獨何夕與汝共寒解歲
除泣我親并無像可挂閉眼縱如見手筆莫追畫空此
魚菽盤無蔥代以薤安見親遠歆望鄉一長喟少年幾

除夕每歸自行邁見親祀吾祖孔虔無少懈憶此寸斷
腸生存應自怪因念偷生時志在續宗派到今顧子影
凜凜無後誠不堪阿福癡方學男子拜

乙丑

元日

回頭四十七年春百感蒼茫集此辰暮景已斜何志業
青雲不見但風塵縱然天地虛生我豈合文章再讓人
一樹梅花籬落外衝寒須信有精神

晚望二首

寒塘久不任洄沿忽有漁舟過舍前不識溪流何自長
一冬無雨到新年

便有風光何處遊出門一目盡沙洲海山日暮暮雲起
卽是蓬萊不可求

五塔

溫州城外有五塔其二並立江中央其三各據一山頂
遠望總如春筍長我舟前行一十里看塔如筍拔地起
路行一里高一尺十尺之筍成竹矣塔長如竹已近城
五塔排立如相迎明朝出城復我送嗟爾五塔何多情

塔自多情我自愁
頻年來往幾時休
夢中故里虎邱塔
亦自臨流引客舟

雪後江行晚至館頭驛三首

白鷺前飛炯一雙
犯寒客自拓篷窗
望中前日千峯雪
大半消融入此江

今日寒晴日小黃
天風着意送歸航
東山雪盡西山白
自是西山背夕陽

夕陽能使晚江明
渡口潮平息水聲
猶賸半帆風力在
吹他江岸酒帘輕

暮歸

在郡上元過暮歸天黯然春星不照野夜水自明船沿岸犬時吠敲門誰未眠多慚丈夫氣呼女話燈前

至地團葉村

試屐踏鷗沙天涯又海涯村人都姓葉鹹水漫煎茶正月春還早平生髻已華憑何懌流落島外燦雲霞

雨後觀庭前積水

只從雨點積爲潭便有天光物象涵忽落一羣飛燕影看成魚戲大江南

對酒

今日廚煙斷何時關稅平民應能諒我官亦不聊生手
稿千篇富身謀一葉輕何知鹽有法好用酒爲名

有答

海上民窮聽客談秋毫覓利我何堪會看海若知籌餉
自獻潮田請稅蚶

得雪樵丈凶問并傳來臨終二詩次韻寄輓不能
盡懷

有文令人傷

杜句

好修亦君病君性不諧世途窮并無徑

永矢剛直腸懶與物相競正如天既寒而君復求清

說文

清寒也

百年要完璧一官抵破甑獨揮健筆鋒力戰古人

勝千首詩必傳嗚呼亦天命

去春君病中別君憂世事對面淚欲流已懷永訣意在
再一年來日以寸心繫君原淡蕩人視死如就醉獨我
交最深千里遠傷逝飢憐平生同老病先沒世三復臨
終篇悲懷幾時置

附錄

符兆綸

老境百慮侵百慮并一病一病苦纏綿輾轉開百徑

徑徑苦相緣病病遂相競十日閉門臥風竹打窗清
干戈叢衽席塵土塞飯甌視無人在側茲事則已勝
弔者雖未來吾衰固知命

昨日了一事今日了一事豈謂事能了所貴得了意
既了則已空一空百無繫安穩睡一回死生若醒醉
浮雲行歸山予亦從此逝所恨氣未伸局促老一世
烏鳶與螻蟻且復從位置

翁洋雜詩四首

半盆煩我守亭戶卽鄰家風裊竈煙曲潮衝牖版斜海

天雲似浪鹵地樹無花正使先生喜難將風物嘉
海濱多異俗海物亦殊形撥掉蟹可怪揚帆鰲更腥異
魚圖贊徧大汎夏秋經膠鬲隱何處茫茫島嶼青

時起大風信吹來小日團

小日團係場地之名

四方隨颶轉

颶風忽南

忽北一日而具四方之風故字从風从具

八月有潮看震蕩疑浮宅清狂懶

正冠亂來衣褐少今歲又春寒

科第猶風漢場官衆更嗤徧多士相見欲以我爲師薄
酒聊同酌清談不入時皆言公去後海上合無詩

觀兒戲

今日天氣晴遊興我自休飯後聊倚門看彼羣兒遊一
兒持紙鳶向空而上投一兒牽其絲反走絲自抽左牽
過屋角自信風和柔忽然一翻落挂著高樹頭再牽一
絲斷悵望雙淚流頃之復嬉戲爲戲終無憂感我憶兒
時獨被書齋囚春風日招我出門難自由欲知紙鳶狀
幾以夢寐求爾時受拘管豈自知藏修亦爲讀書成當
比他兒優忽忽四十年萬事徒自尤自尤亦何益且以
詩自酬鄉里有小兒今方爲督郵

風蘭

產溫台陰谷中根懸崖壁不受土氣土人取
挂檐下背日就風時噴以水至三月開小花

甚香葉長只一二寸蓋
蘭之極其瘠小者也

深山有陰谷千古無太陽寒氣透石骨生蘭一寸長根
危綴懸崖瘠小寒欲僵如何亦出山來登君子堂本無
土膏分盆盎培他芳獨爲倒懸花開作風檐香爾根何
不植爾葉何不揚爾花又瑣細空以芳名彰賦子有偏
薄天道原難詳所貴保幽姿不希蕭艾光終緣出山誤
物性乖其常吾知世有人對爾行自傷

寄叔安丈

知君傷老友詩思益悲涼卽擬將書慰無如計路長死

生滄海別彼此故園荒詩去重增慨同情總不忘

讀白沙子集

集中有夢曾哲一詩

先生有志爲曾哲我望原思愧未能明日拋書何處去
燈前夢到幾田塍

雙柏圖詩寄魏稼孫

有序

去春余去福州稼孫以雙柏圖乞詩觸所哀痛不能
命筆別來一年而稼孫書七至詞益哀懇又何能不
作以傷其心乎今成此篇以寄

稼孫送我來東甌手持一圖百叩頭述兩母行詞謹謨

指與圖中雙柏侔乞題一詩傳千秋嗟我偷生若贅疣
自欲顯親志莫酬安敢卻聞君家幽欲不君諾君淚流
諾而不踐歲一周山川迢遙有置郵書來催詩歲七投
云不得詩死不休感君至性無與儔乃述雙柏圖所由
君母氏王命不猶早孀負重勞持籌遭家不造天與讎
日爲魏氏宗祊憂立君爲嗣撫且咻力學至冠文行優
正將皇路馳驂騶曾不逮養而仙遊君生母王亦徽柔
事姑盡歡婦職修晚遭寇難驚戈矛渡海尋子來福州
旣經喪亂喘破喉促君急仕登去舟曾不逮歸疾莫瘳

決河塞以土一邱黃金可成仙可求獨有親年逝難畱
揮戈止日人能不君嬰此痛生亦偷哀思巧與畫手謀
寫出雙柏枝相樛永傳節操天悠悠我勉題詩涕不收
哀哉不孝吾其尤

偶題一絕句

有人目我作書癡或是君癡未可知癡與不癡奚足按
古人多有見誣時

答徐惇士

德元來詩有未敢勸君營仕宦儻能伴我狎樵漁之句

肫然雅愛出心聲非但來詩格老成未敢勸君營仕宦

仁壽堂詩集卷三
肯爲此語見交情
齷官徵餉方愁殺
僻壤爲農尙樂生
果有一廛分借我
快哉長揖謝公卿

阿福來觀作書因以詩贈

阿福汝來前看耶
耕硯田自將書換
米已見竈生煙得
飽且休哭非男還
可憐何勞磨墨助
顫脫小花鈿

一風

一風撲案來掀我
筆下紙執筆書不
成將謂窗正啟呼
僮急下窗風卻在
屋裏亂翻滿架書
策策聲不止其有
零篇飄已落案之
底拾來鎮以物未
鎮者又起時欲執

書看苦勞左手抵彼風不識字又豈解書旨無所爲而然相勦太無理吾那與風爭堅坐待其已

友人有課子甚力者有爲貧欲往臺灣者各寄一

絕

不識字人反快活

歐陽公語

或愁養子太聰明

蘇詩語意

如何不

惜喉中氣夜夜燈窗教讀聲

人生失意無南北

王荆公明妃曲云君不見咫尺長門閉阿嬌人生失意無南北

窮亦

無逃天地間

拙句見前二卷

試將我語參王語欲去臺灣不若

開

陳生送芥

幽人忽有頃筐至疑與尋常贈不同芥者介也堪會意
願余勿以易三公

聞繆南卿先生蒙 恩復還 卹典時湜將回杭

州

謀人軍師敗能死律以春秋無罪矣惟公死事尤慘烈
受誣六年此昭雪清波門啟對西湖城上靈旗時有無
歸日絲蘿猶可薦哭公聲撼畢逋烏

張獻山在金陵以書遠及卻寄三首

別忽多年世變深寄懷如見故人心封函並寫金陵發
也似家書抵萬金

飽看滄桑知孰堪可哀自古屬江南知君有筆難爲賦
卻說猶存妙相菴

來書言金陵勝迹都盡惟妙相菴獨存

亂來孤寄各無羣虛願將身化作雲倚杖九峯尋一醉
不知何日再同君

畱別樂清友人二首

安貧疑被上游知解印今朝不厭遲好友相從爭惜別

冗官無政只畱詩買舟益愧人情厚

時諸君買舟見送

去路須

知我計癡照向來時橋下水一年添白兩莖髭

讓我平生閱世深臨歧贈別一沈吟此間濱海遠塵事
大好讀書持古心誰說傳人必史冊君知實學在光陰
明朝憶別溪山阻知復何人夢見尋

五月十一日有紀

自疑結習已全忘睡足荒村一夜長重被曉光催入夢
古人託我訂文章

去長林畱題寓解二首

有序

長林舊無題名又經兵火一老吏物故遂不知前人

名氏有居鄰言彷彿幼時曾見數官大約來時肥去
時瘠來時輿去時步有以烏鞵來而草鞵去者遠近
傳以爲笑又積弛二十餘年而余來承乏明日去官
并草鞵不辦矣此邑士林乃爭爲余買舟治裝各爲
詩文贈別或載酒肴就餞臨歧殷殷遠送以余拙劣
何以致此畱題壁間以志厚幸

一官累我已經年得去生機喜再延兩腳尙存終一走
不愁難辦草鞵錢

不自知愁友代愁士林爭與買扁舟人情厚處難爲別

到得行時卻願留

陳生不遠百里追送我至江心寺於其扇上作孤
嶼送行圖爲贈并系以詩

陳生惜別遠送我追及我於孤嶼前因登孤嶼同一眺
俯見山郭生蒼煙甌江一道入海去海雲飛落東南天
遠帆欲隨孤鳥沒目極浩渺心淒然天涯此處欲分手
早有蒼茫別意來無邊生別我歸海壖我別生來何年
自非作詩兼作畫何以罄我情纏綿攫生手中扇寫此
山娟娟山上有雙塔塔下纜我孤行船生之送我直到

此此事合入吾詩傳吾詩不似謝康樂但說孤嶼媚中
川况此畫筆補詩意景中之情尤可憐潮初平兮棹去
山欲斷兮雲連生持扇歸且吟玩想復回望心惓惓勿
以孤嶼永孤絕遂謂吾儕後會終無緣

溫溪得風挂帆

雨餘水自枯州下紛向船頭作倒流撐篙昨日空盡力
挂席得風今小休青山趁人若旋馬白髮照影慚沙鷗
亂來飄泊凡幾載得首歸途餘百憂

石門觀瀑布

山靈謂我曾在龍湫行見此石門之瀑將心輕特乞天
公三日雨添波入瀑十倍傾果然瀑大壯一白劃破青
山青萬斛之源千仞勢春落潭底潛龍驚後水擊前水
水怒益不平爭翻白浪躍復鳴合作戰鼓兵車聲赴阬
突石急溜成去勢迅若風無形自非一門趨谷口雖以
天池爲壑猶將盈我面瀑泉立耳聾目眩心怦怦倚巖
定步不移屐恐被卷落輕吾生舉頭何所見但見高壁
落露天冥冥天開此境足自表豈待謝客方知名興來
直欲呼山靈此瀑勝處吾能評如立支川直注海如漏

銀漢懸秋清聲吹鬼神白日下又如地底馳雷霆獨無
飛空夭矯之幻相與夫煙雲離合隨晦明是則難與龍
湫爭

一溪

一溪摺作數十灣境在麗水青田間片雲飛下不時雨
兩岸綠盡無名山世無知己且得隱老猶行路何時閒
可憐篙師亦良苦急流撐得腰彎彎

處州

舟行谿忽窮晚入處州宿先見萬象山斷垣餘一曲落

石吾室三詩集 卷二
日照空城慘淡在雲木昔年土全焦此日草遍綠萬竈
有舊基一廬無新築陶瓦力不能遺黎且草屋人稀早
閉門還聞寡女哭此郡實山僻貧瘠俗差樸六年賊三
至瘡痍幾時復尙幸逆旅存開門館吾屬側聽主人言
被災此何酷我方去臨安當經婺與睦二郡更傷夷掃
地有餘毒前去踏戰場能無慘心目荒城無酒沽破店
盡短燭一夜聽鵲鷗悲傷至天旭

自處州至永康凡三日天曉不聞雞鳴感歎有作

二首

日出曾無雞一鳴處州來此已三程始知平日閒村落
處處雞聲是太平

回首平生慣曉征每從茅店聽雞聲只今千里兵荒路
靜看天明自啟行

永康呂氏祠

永康呂氏祠祀其祖宋賢文穆公堂
宇崇峻城破後賊欲撤其材去梯登

三人於屋若有推墜之者皆傾跌立斃祠以無
毀予今得託宿蓋此外無完宇矣

宋賢去今遠有後宗不祧祠宇屹城中賊火獨不燒其
堂高百尺遺構由前朝或美此屋材撤以營賊巢梯登
首三人發瓦將棟橈忽如破推墮立斃於堂均賊因不

復毀祠以長岑堯我來亦借宿炎月風蕭蕭可憐此屋
外厥土一片焦斷垣空萬堵莫將流亡招聞昔此縣民
戰賊不耐塵一潰受屠殺白骨堆林皋卽如呂氏裔存
者殊寥寥慘傷不可聽仰屋心無聊安得吳越間屋皆
若是半庶俾子遺民稍免寒蟲號

蘭谿

浙東諸水驛最是蘭谿華通途攬百貨衆商爭爲奢列
肆高於城夜燈如餘霞估帆集水步相應城中譁旁泊
九姓船姊妹船爲家夜妝照水鏡水月明窗紗江風亦

有情爲之韻琵琶物盛理有衰吾何爲歎嗟所悲此邑
民仗義心無瑕耨鉏抗凶鋒累勝勇倍加雖以援絕敗
賊亦驚且呀邑邑有此民豈復憂賊耶迄今流血地生
草開紅花迴舟欲有弔風雨啼昏鴉

桐廬

桐君昔采藥無藥醫世亂所以桐君廬亦爲賊所竄桐
君固邈矣其地乃塗炭向時萬家邑瀟灑在西岸村靜
響機舂林疏翳舟爨地接嚴陵灘山水清可玩方願卜
隱居豈謂民離散兵火又饑荒如今死者半我昨嚴州

來兩岸人煙斷青山隱孤舟落日愁猿喚望望山之顛
尙有破壘冠官軍戰賊處白骨棄無算寄語黃子久須
將畫本換此日富春山傷心誰忍看

重至杭州

身如夢境又杭州去日烽煙逼戍樓浩劫今生親着眼
中年不死此回頭自然人事與時變如舊江潮拍岸流
老我無才堪世役西湖重爲洗詩愁

入城投逆旅卽昔年朱述之先生寓廬亂後曾招
同宿者

數椽劫火後獨有再來因適此寄行李當年誰主賓室
存題壁字世少讀書人夜雨催愁絕蒼涼百感新

薛慰農先生

時雨

命題畫圖八首

椿庭侍讀

大賢應時出亦以蒙養基詩書本先澤大小用必宜公
學始五齡十五爲孤兒十年稟庭誥德器成自茲茲當
揚顯日難忘童丱時當年過庭教烜赫今設施萬民萬
口頌源本能無思嗟我亦人子題此涕漣洏

棣萼談經

人得賢弟兄閉戶具師友此福天所慳名門亦罕有公
少有此樂家學遞授受遂蜚日下聲皇路分馳走壯盛
有乖分死生判榮朽維公性情摯風雨傷懷久日欲拂
衣去歸進伯兄酒願公且勿歸斯民賴衆母

滁山村學

賢豪未遇時屈爲童子師能育天下才而乃小用之然
此十六年蘊蓄經綸奇到今展所抱衆才包無遺想作
秀才日樂善如渴飢在滁仰歐公卽以歐自期惜湜負
獎借朽質雕難施自揣處世分卻有青氈宜

淮水秋風

白下好風景首數秦淮河大江南北士高會秋來多湜
昔文字飲爲樂兼笙歌夜登聽月樓月正如金波此樂
邨可再十載紛兵戈舊交零落盡水榭荒煙蘿便值桂
花時無夢求詞科公傷湜則泣悵望將如何

燕市紅塵

士生驚明時獻賦集皇州懷古黃金臺外亦多勝遊同
榜兄競爽詣闕朋相求冠裳詩酒地柳色近御溝或泛
扇子湖景似江南秋人臣心魏闕外服勞回頭況公久

親民日爲蒿目憂會因覲 天顏 虞陞陳嘉猷

鴛湖春夢

公畱鴛水清公去鴛水濁水濁猶自可而乃入羽鏃昔
年公政成民皆爲公祝近歲民氣凋公亦爲民哭人地
有相維去畱分禍福茲者公位高民望日屬日大喪先
覆杭遂覃十一屬我喜兩浙平以公嚮用卜春夢雖無
痕口碑則鑿鑿

章門戢影

羣盜梗征途章門寄孤躅鬱鬱憂世心經綸此焉蓄譬

諸大鵬鳥將飛翼先伏六月以爲息惟息飛愈速洸洸
隴西公知人善推轂相與成大勛四海看剡牘回首戢
影時幾人話衷曲誰知此寓公俄造蒼生福

滬瀆從軍

男兒感知遇奮發見血誠卷束舊讀書自研虎鈴經果
然贊籌筆指掌收名城旣以答知己亦以報朝廷一
時戎幕開壯士參書生翁歸文武備同輩誰不傾申江
水洋洋助我三軍聲想見仁者勇十萬胸中兵

追悼陳子松

亂後江湖久失羣近鄉消息得來真豈知玩易沈潛士

忽作捐軀慷慨人回首同聽秣陵雨傷心誰詠襖湖春

國殤更痛陳梁叔旅館連宵入夢頻

子松與梁叔尤爲交契

喜晤蔡聽香

召棠

於其歸里並訊徐冶伯丈

晉鎔

二首

蔡君廿年別亂後遇杭州不盡感時事非徒懷舊遊高
文青孰眼炎海白君頭一種相悲意沿湖覓酒樓

老詩人健在煩爲問興居已抱曾孫不曾編續集歟亂
來耆舊少世上事功虛憐我塵中老餘生廢讀書

文闈卽事二首

悲秋忽倚此闌干又作文闈執事官回首也曾應鄉舉
誤身何必咎儒冠高樓鼓角鳴清晝大地湖山報早寒
坐對門神成一笑吾身今與爾同看

時派司內龍門

昔年糜爛入兵戈殺運能銷幸已多士有餘生復場屋
我無舊隱返巖阿時清可待身先老夜漏初長夢易訛
夢化瘦形爲獨鶴出門一步見煙波

慰農先生見和前作復次韻二首

鎖門夢自落江干野性由來不耐官况已無親需祿養

何堪忍愧廁衣冠一枝竹杖扶身穩三尺書檠照影寒
身在名場心已寂誤公猶作俊才看

如公氣足靖干戈比似歐蘇古未多爲政風裁原自峻
愛才心事不嫌阿一時人物爭邀鑒萬卷圖書盡訂訛
倘向西湖會文酒定容孤士狎鷗波

登明遠樓

登樓是處不宜醒猶想兵戈昨歲經萬井蕭條寒草綠
一湖寂歷暮山青未堪懷舊悲人事况復憑高惜地形
一曲哀笳城上動西風不送別人聽

易畫瓢詩

有剖半瓢製爲飲器者磨琢極精陸稚松寫山水一幅易之名瓢爲易畫瓢乞

余作詩

何人飛上天摘下匏瓜星落種到酒國秋實垂青青客
有竊天巧琢作酒器精陸君隱於酒而以畫著聲愛瓢
肯作畫交易何其平我雖不善飲而嗜茶味清欲瓢作
茶具以助吟詩情請將詩易瓢君乃居奇羸試思詩與
畫二物何重輕易詩與易畫於瓢無虧成嗜茶與愛酒
用瓢皆有名况聞古高士萬物心不撓先忘瓢得失乃
許追劉伶

題畫

碌碌征途倦有餘十年塵土夢山居看圖又動歸吳興
紅樹前頭好釣魚

秋闈步月圖爲慰農先生題

先生時爲文闈提調官

秋闈集萬士酣戰三場文夜深各埋頭不見孤月輪其
中豈無愛月者苦爲矮屋囚其身月卻下檐窺舉子盡
如懸窠之蜂腳不伸此時大小百執事各營執事勞其
神森嚴功令限咫尺孰敢出與明月親我公大雅材心
與鸞鶴羣指麾多士息羣動至公堂下行數巡少年場

屋同苦辛今得瀟灑超常倫人生春夢不可續但憐秋
月光常新是夜青天月更皎一白遙合西湖濱鎖門未
可泛遊舫喜得樓閣高嶙峋登樓對月一長嘯此身與
月誰主賓其下有人仰見公帶月看作瓊樓人叨朝客
爲寫此事一圖韻絕傳千春凡人心曠月卽好在官在
野理則均何必承天寺夜方步月幽興更待張懷民

窗外鴨聲極鬧蓋供給單中之物每晨必集此耳

戲書一絕

十百呼名只厭聞綠頭窗外看如雲先生久在雞羣裏

不耐今朝又鴨羣

重至湖上二首

舊日亭臺處處平
望中惟塔不曾傾
枯蘆老葑侵隄岸
斷壁殘垣記寺名
浪說湖山常有美
豈知天地總無情
重來欲印前遊迹
倚棹茫然似隔生

百年盛典溯

宸遊說向空
山石也愁在昔
藏書勞

建閣

文瀾閣書今已散佚閣亦摧毀

於今習戰便操舟

湖中近駐水師船以便操

演

一湖衰盛堪論世
獨客悲哀况感秋
草合西泠迷所

往更誰尋得酒家樓

附錄八弟

澄

次韻二首

東南連歲亂初平，勝地堪憐處處傾。
詞客今來多感慨，西湖再到總知名。
滄桑歷盡千秋恨，風物都非萬里情。
爲訪從前楊柳處，縱橫野草徧隄生。

異地荒涼溯舊遊，旅人到處動羈愁。
鄉關蕭瑟無歸路，身世飄搖不繫舟。
搔首已難思往事，登高那可更悲秋。
六橋三竺依然在，不見當年舊酒樓。

十二月七日雪中至孤山，有吳君先在置酒放鶴亭，入座傾一杯歸後賦此。

天公着意憐焦土，蓋雪裝成一瑤圃。在城蹋雪已絕佳，況乃登臨窮仰俯。是日湖中雪蔽天，孤篷載雪恣迴沿。孤山乍修處，士閣怪有人倚欄。干邊向船隔雪亂招手，爲我詩人急進酒。此酒只銷我輩寒，雪落杯中隨入口。舉杯便酌處士靈，面前北山如玉屏。盛時此地着君好，放鶴能築山間亭。想見亭中風雪時，鶴來看詠梅花詩。何須慮及千載後，此山陷賊摧橫枝。悵望前賢不可作，我遇亂離身莫託。便來寄迹傍西湖，人自絕糧那養鶴。晚天餘雪尙繽紛，歸路蒼茫百感新。一杯酒在胸中睡。

寒夜迢迢夢古人

卞和詩

偶寫古人物一幅題曰卞和之像并系以詩

荆山美玉在璞懷奇將爲國寶非和得私和獨抱獻見
罰不辭別足至再乃泣漣漣忘身證玉淚盡血滋空山
風雨鬼神交馳鑒此精誠爲告天知天誘王衷命工剖
之果獲環寶垂名到茲我思卞和亦何人斯有此誠心
堪爲世師使相王者進賢無遺以致隆平爲國治基凡
今之人自私自欺心寒於冰以適時宜令我千載獨和
是思匪和之思莫抒我悲畫像杳渺視此題詩

酒家和壁間慰農先生韻

時先生已引疾回里

猶記相從鎖院秋殘年風雪獨登樓明朝我亦拂衣去
何處江湖無釣舟

伏敵堂詩續錄卷四

甲寅

長洲江
湜弼未甫

行年

行年四十九歲月去如飛遭亂過中歲爲官成大非何
由卽歸得其實所求微昨夢江村路人家只破扉

泊舟嘉興入城與王瓚公

晉玉

夜談

悲生前度泊舟人舊日繁華總作塵水郭晚來煙欲斷
戰場雪後草還春不知吾郡狀奚若只覺歸心慘是真
賴有眼前可喜事故人在此牧遺民

互看鬢髮暗相驚自別滄桑闕寄聲本以文章成至契
更同患難倍交情酒緣懷舊淚隨下話到傷時氣未平
謂談在園城中及南卿先生殉節時事猶得今宵同一醉燈前珍重兩餘生

金澤訪雪亭已於十日前下世弔後有作

亂後故人在心知見面期不圖君病亟應恨我歸遲棺
掩虛堂下船來弔客時時平翻永訣風雨助心悲

地經兵火後宅是草堂非舊宿客還到新招魂不歸滄
桑前事過著述寸心違

君編輯各書
板燬於火

奠酒蒼涼極吾今

老友稀

亡友熊蘇林舊居青浦郭外昔年舟過其門必畱
宿夜談今迷其處并令弟亦他徙未晤愴懷有

作二首

亂前君下世鬱鬱久心傷豈意故人宅又爲新戰場無
椽栖子弟有燼散篇章猶記談詩夕親來繫我航

焚君詩是賊語讖若先成

前君見贈七占一篇末有請焚我詩傳君詩之句君歿後

遺稿藏余行篋於杭城陷時被焚君此語若爲讖云

一句勞心記終身哭友生范

范今日棹鬻醫舊時城精爽如還在知余又此行

黎里過徐冶伯丈草堂無恙而庭梅正開感賦二
詩

憶昔叩門日江湖盜正來危時朝夕計別後死生猜豈
料身重到回思心益哀喜翁遊劫外兼護兩庭梅

庭梅花正好花爲客淒涼避地歲六易思鄉淚萬行此
杯能勿飲有友已先亡

謂陳子松

還祝翁多壽時來話草堂

夷場二首

滬城北門外濱海開廣場華夷互市地雲集來萬商通
以火輪船利盡東南疆貨積財自聚奸僞多非常到來

若外國恍已航重洋屋潤金碧氣人換腥臊腸輿馬塞
廣術踏沙爲不揚夜燈萬琉璃懸照洋樓倡絲簧協夷
樂風引何悠颺徒觀繁盛形頗似樂未央云昔賊在時
是處眞金湯數夷執火器已足資巡防避地十萬家輦
貲質夷房偷安兵火隙排闥猶壺觴因是益增華勝昔
之金閭我聞獨悽惻仰視天茫茫

東南狃太平軍政久積弛貧弱見兵端自昔夷務始羈
縻雖有術善後昧厥旨尋至粵寇來百城共一靡蕩蕩
大江南財賦可綜理十年漸沉淪萬里生荆杞下遊地

垂盡勢真不得已乃指海一隅謂餉源在此並用夷之
兵助威借長技權宜苟有效姑勿論國恥天心固仁愛
萬物不終否前事古未聞世變誠多矣我來看夷場悲
極難爲喜市氓正憧憧搔首斜陽裏且願善懷柔勿再
生瘡痍魏絳功偶成伊川歎方起

續擬寒山詩二十首

人有欲貸錢與人聯族譜及平錢入手此譜棄如土亦
有孫與李結盟爲酒肉明朝酒肉盡孫死李不哭
眼見慕勢人求入不可得利彼體生痔而以舐樹德凡

事非人情此中最叵測要離妻可燔樂羊子可食

百年以上人若從地下起所見惟曾孫其餘盡死矣如此則大悲將謂不如死是以天生人限以百年止

一人力種粟夏耘如火煎一人坐而飽食粟盡百年彼苦此何樂原有前世緣我以道眼觀均之爲可憐

眼前荆棘地昔年樓與臺同樂歌舞人過之能弗哀哀者方駐足適有仙人來笑他生世短但見此一回

利欲錮人心如熱毒在腸一遭大患難猶飲巴豆湯瀉之毒斯解先得心清涼十年讀書功吾知未足方

瞽者槌埴行導路以竿木竿木揣得處便可進其足妙
在目無見以竿作之目若是有目人反有窮途哭

魄強記誦博魂強著作精有種昏愚人魂魄如未生獨
逢金銀氣豁焉心內明雖然莫笑他未礙爲公卿

某甲善狎邪能得名妓意妓以名故驕事之良不易百
端旣盡驩其術蓋已秘某乙竊學之入官爲能吏

杭城絕糧日食狗無一存到今百里內得狗如獲麟因

知狗雖賤亦要生逢辰哀哉城外骨昔日城中人

今生人食羊來生羊食人人羊互相啖冤報常相因眼

見凶惡徒噬人爲膳羞我作轉輪王爲爾來生愁

巴蛇欲吞象豈自量其腹萬生渴貪利竭海不盈慾天

爲不及生地爲不及育所以大亂起餘災被草木

前聞金陵

城外百里無一木存者

有丐弄獼猴使猴自戴冠跳上白狗背馳作白馬看丐
乃釀人錢猴乃分餘餐猴乎爾何愚大似今之官

使小人變法而君子守之荆公誤蒼生其誤由於茲寄
語宰官身慎取在學術學術殺人時比於水火烈

羣狗臥中庭主人叱其一俄看被叱者已爲羣狗齧主

人夫何心豈必怒而叱何眼看人時揣摩一何疾
郎有別歌姬姬垂淚簌簌羅巾染薑汁背郎拭其目薑
可以取淚錢可以買哭望夫化石人不住黃金屋
奸僞遇奸僞如看瞳中人彼瞳猶此瞳互照而兩真靜
居念世態可笑不足嘖終當入山去木石堪相親
搜掘秦漢石懸購商周金富貴有餘貪向茲嗜好深古
行重仁義古語皆規箴試問諸好古何如持古心
波斯匿王面一年一年皺人無再少時如日無兩晝枉
將露電身欲借金石壽惟有青草塚許汝必成就

附錄

書伏敵詩續錄後

余知弢叔久至咸豐庚申春始識面於杭州旋因寇難
各不相聞昨歲九月余自都南下再客杭州弢叔與余
居甚近然弢叔時方佐治海運事才得數數見也今年
春邂逅嘉興縣署相處才二日余又有徽州之行迨余
自徽來則弢叔已病余未之知及過訪而弢叔已先七
日死計余知弢叔以來且十年乃謀面不及十次何緣
之慳耶弢叔有弟曰梅生以兄爲師心悅誠服弢叔歿

後亟亟爲刊其遺稿爲伏敬堂詩續錄三四兩卷是能
不死其兄者以余與嫂叔交雖淺而知之甚深不可無
一言綴其後讐校旣數泣然書之同治五年丙寅七月
績溪胡澍

寄書與死人斷無回書來致人貧癡心作計到夜臺磨
錫作金箔翦錢爲冥財冥財何鬼得只益人間灰

[illegible]





